

## JORDAN DE BONELS.

7225.

JORDAN DE BONELS si fo de Saintonge, de la marca de Peitieu; e fez mantas bonas cansos de nà Tibors de Montausier, que fo moiller del comte de Gollena, e pòis moiller del seignor de Mon ausier e de Berbesiu e de Calas.

7225, 7698.

**S**'IRA d'amor tengues amic gauden,  
No fora cel que meils anes de me;  
Quar pen'e dol, e dans è marrimen  
Ai sofertat longamen: e cove  
Qu'ieu aia'l mal e madonna lo be.  
È pos aissi li plai ab me devire,  
Quar sab e crei que no l'auzi re dife;  
Volh tot sofrir s'ella'l vol et amors:  
Guardatz s'ieu soi dels feignets amadors.

Ara diran tut li desconoissen  
Que cel es fols qu'am' autrui mais que se.  
Donc no sabetz qu'om non a ges de sen  
Quant en amar s'es esprés senes frè.  
Ni castiars ni blasmars noi val re,  
Ni desamat non a poder que s vire,  
Qu'ab ambas mans contra l'afan no s tire  
Si com ietu faz; e qaar mi for' honors  
Cugèi vèncer totz los bos sufridors.

Qu'ieu n'ai plorat mantas vez dolzamen  
Quan be m cossir com li dirai ni que;  
E quan l'esguart n'ai tan dur espaven  
No l'aus mostrar co l port tan bona fe.  
Quan cuida'l cor parlar temensa'l te,  
Quar si mais val meils deu sos precis assire,  
E son aissi dos per un li sospire:  
Ar son arditz, ar me torna paors,  
Ara s'en vai, ara torna colors.

Si com l'aigua sofre la nau corren,  
Pois es tan grans que mil homes soste  
E d'un clavel pert son afortimen,  
Sofrira ieu meils de tot'autra re  
Mas quan de lieis que m defaill ab merce.  
Quar cum plus l'am meils a cor que m'aïre,  
Et on piegz trac plus dobla'l mei martire;  
El dous esguard m'ès com la bella flors  
Qu'apres lo frug amarcís las sabors.

E fa trop mal donn' à mon escien  
Pois fa semblant, don p'egar s'estève,  
A cavallier ni l don' entendemen  
Que l don s'amor, si com una fez me;  
E fai o pieg quan no l'au ni no l ve.  
E s'ieu fos fals, enganans ni traïre  
Encontr'amor, adonc for'ieu gaudire,  
Mas ves amor no val forsa ni tors,  
Ni re mas cor de verais amadors.

A Chaletz vai cansos à midons dire  
A na Guibors, cui beutatz saup elire  
E pres e jois, e larguez' e valors,  
Qu'à lei me clam de sos mals noiridors.

E potz aitan sus en sa cart'escrive  
Que ja bels ditz ni semblans de dous rire  
No creirai mais, ni olhs galiadors  
Que guardon sai e plus soven aillors.

---